

اِسْتِزْهَارِ

نومرو ۱۰

بِخِشْبِه

۱۲ تشرین ثانی ۱۳۲۴

ساکن اولان اجنیدلردن حاصل اولان چوجققلر حقنده بوکي احکام وضع ایدن دولتلكثیردر، بزده اولنره امتثال ایده بیلیرز. ثالثاً بالاده مندرج صورت تعدیل، معترضلرده سؤنیت اولمدینی حالده، حقیقه قابل اعتراض اولیه حق درجده معتدلدر. (مابعدی کله جک نسخه ده) اوریک اغامی زاده

حسن سری

يکرمنجی عصر اوائلنده حقوق دول

۲

ترقیات و تأسیسات علمیة

حقوق دولك اساسی، دها بدایتندن، حقوق حرب و حقوق صلح اولوق اوزره شکل و ترقیه باشلادی. اوزمانلر مناسبات حربیه نك مناسبات صلحیه قدر اهمیت و رواجی واردی. بویکی قسمدن هر برنده اصوله عائد قواعد، دائماً اساسه عائد قواعددن دها ایلرني خطوه ده بولونیوردی. اك یکی نظریات حقوق حرب و حقوق صلح آره سنده کی فرقی ازاله ایده مدی فقط بونی ارتق حقوق دولك اس اساسی کی قبول اتمیور. الیوم حقوق دول دولتلك پیننده کی مناسباتك حالت اصلیه و طبیعی سنی یعنی روابط صلحیه سنی اداره ایدن قواعدك مجموعی اولمشدر. حرب تعلق ایدن مواد ایسه مناسبات اقوامده انجق استثنائی و غیر طبیعی برشی دها دوغریسی حقوق دولك جهت مرضیه سنی کی پیش نظره آلمشدر. حقوق دولك صلح قسمی، دولتلك افعال حیاتیة اصلیه سنی یعنی فیزیولوژیسی؛ حرب قسمی ایسه افعال حیاتیة مرضیه سنی یعنی پاتولوژیسی کوستریر. آندن بشقه حقوق صلحیه دول کوندن کونه حقوق خصوصیه وبا خصوص روسا حقوقه نمائتندن قورتولش و کیت کیده کندینه خاص بر طرز احداث، روابط شئوندن منبعث قواعد مخصوصه ایله توسع ایدرك لاینقطع ایلر یله مشدر.

حقوق دولت غنمات قدیمه سی حالا ، هفترک (اوروپا حقوق دولی)
عنوانی اثرنده زیاده جه و بلونچلی نك *droit international codifié* سند، دها آز
بردرجه ده بولونور . لکن (بولمره نك) (دوفیور) (هیلپورن) و (ژدلینهك)
(اولمان) ك اثرلنده متروكدر .

فن حقوق دولت یكی بر اثری ده بلونچلی و فیور کبی مؤلفین اخیردن بر
قاجنك نظریات و فملیات نتایج عمومیه سی قانون ماده لری شكنه قویق تشبته
بولونلریدر . شبه یوقدر كه بوتقین پروژهلرینك علی العاده افراد طرفندن ترتیب
ایدلش اولسی حسیله اهمیتلری نظری در . مع مافیه بونلر قواعد مقررده نك
فعلاً واصل اولدینی تكملی اصول تحتده تصنیف و ترتیب ایدلش صریح ماده لری
شكنه نقل ایتمك امكانتی کوستریر . برتقین جدیدنك شرط اقدمی اولان تعیین
اساس خصوصنده ۱۸۷۳ ده تأسیس ایدیلان (حقوق دول آنستیتوسی) صورت
مخصوصه ده ذکر ایدلمكه شایاندر . بوهیئتك نتایج توغلاتی عظیم و حائز اهمیتدر .
تحکم بین الملل ، محاصره صلحیه ، تبعید اجانب ، صاحبسز اراضینك
اشغالی ، انهارین الملده سیر سفان بختلرنده تعقیب ایدلمك لازم كان قواعدی
وضع ایتدی . بوندن بشقه قوانین حرب حقنده عمومیتله مظهر تقدیر اولان
بر (مانوئل = تلخیص) ، وغنایم بحریه محكمه لرینه متعلق دیگر برائر ترتیب ایتدی .
حرب قاجانی ، آجیق شهرلرك طویه طوتلمسی و قونسلوسلرك معافیاتی ،
تابعیت ویرلیشمك اختلافاتی دخی مذاکراته زمین اولمشدر . اجنبی لیمانلرنده
بولنان سفان ایله مرتباتنك وضعیت قانونیه سی و برملكتده ظهور ایدن حرکات
احتلالیه انساننده دول اجنبیه نك حقوق ووظائفی و جنوه مقاوله نامه سنك محاربات
بحریه به تشمیلی و دولتلك اغتشاشات داخلیه هنكامنده اجنبیلره قارشى مسئولیتی
حقنده کی مقررات و تکلیفاتی دخی ذکر ایتمك لازمدر .

بوانستیتونك نائل اولدینی نتایجك بوجهله ناتمام اوله رق تعدادی بیله
حقوق دولت تقنینی نتیجه قطعی سی ایچون بوهیئت محترمه نك درجه اهمیتنی
اثباته کافیدر .

بعض مقررات حقوق موضوعه ایله متایددر . از جمله تعامل اقوام ، سربستی^۱ البحاری بر قضیه بدیهه کی قبول ایتشددر . البحار محیطه نك ضابطه سی ، سیر سفائی کافل اولمق ، مصادمه لردن اجتناب ایله مك کی خصوصاً صاده کتدکجه دهها زیاده یکدنسق برحاله کلکده در .

سربستی^۲ البحار نظریه سی ، اسیر تجارتی اورته دن قالدیرمق و دکرک بعض اقسامنده بعض اجناسی صید ماهیدن وقایه ایتک ، تحت البحر تلغراف قابولرینی تحریریدن منع ایله مك ایچون قبول ایدلمش اولان قواعد ایله اکمال اولنهرق یواش یواش اك ممنونیت بخش بر طرزده تعین و تثبت ایتکده در . اوروپا مدینته تابع دولترک دیگر مدینت اقوامی ایله مناسبترلنده تطبیق ایدلکاری قونسولاتو حق قضایی ، عصر اخیرده بتون دولتر طرفدن بعض تحدیداته اوغرا دلمشدر . اوروپایی اولمیان بعض محاکمه اجانبه واقع اولان تأمینندن هیچ بری رفع ایدلمکسزین اولنره تطبیق اولونمق لازم کلن قانون و حق قضایی توحید ایدمکک وجهله محاکم مختلفه بین الملل تأسیسی لزومی تصدیق خصوصنده بوکون توافق آرا موجوددر .

دیپلوماسی مأمورینک وظائفی - ا- اولکنک عینی اوله رق قالمشدر . بالکیز تماماً سیاسی و تمثیلی اولان وظیفه قدیمه لرینه اقتصادی و یا اجتماعی بر ماهیتده و دیپلوماسی مأمورلرینه اقدجه کفایت ایدن اوصافدن دهها متنوع اوصاف مرغوبه و وابسته دیگر بر طاقم وظائف علاوه سی ضمننده دولنلرده اتحاد آرا وارددر . سفرانک حرکت مشترکسی زمانزده دهاسوک بر تأثیره ماسکدر . لاینقطع تراید ایدن قونغرلر و قونفرانسلر ، معین بر پایتخده مأمور هیئت سفراجه صرف ایدیلن فعالیتلر بوکی حرکات مشترک نك آره صره بحلی و توالی ایتسنه باعث اولمقده در . اصول تحکیم دخی کیت کیده معاملات اقوامه صوقولمغه میل ایتکده و حیات بین المللک بر وظیفه طبیعی سی کی عضو و نمو ایله مکده در . اك شدتلی طرفدارانک پک نیکیینانه مطالعانه لاقید بولونلسه بیله اصول تحکیمک دهها صیق و کثیر اوله رق تطبیق و اصول محاکمه سنه و حکملرک صورت اجرا سنه

دائر قواعدها واضح اوله رق تعیینی حسبیه پک جابوق آیتنی حسن تفأل
ایتدیرر بر اهمیت احراز ایتدیکنی انکار قابل اولاماز . مقاولات بین الملل
و قونفرلر اون طقوزنجی عصر اشناسنده بر تکمل عظیمه مظهر اولمشدر .
صرف سیاسی اولان معاهدات و قونفرانسلرک یرینه شمدی اجتماعی و اقتصادی
بر ماهیتی حاز مقاولات و قونفرلر قائم اولمقدهدر و بو صورتله حقوق موضوعه
دوله یکی بر قسم علاوه ایدلشدرکه اوده حقوق اداره دول در .

۳

حقوق اداریه دول

اون طقوزنجی عصرک آثار ترقیاستدن معدود اولمق لازم کلن حقوق
اداریه بین الدولک احراز ایتدیکی مرتبه تکمل آز تسلی بخش دکلدر بو حقوقک
اقسام مختلفهسنده تقنین صورتیه نتایج جدیه استحصال ایدلدی . حقوق دولک
اک صوک تشکل ایدن بو قسمنک یالکیز موجودیتی بیه ، حقوق نقطهسندن
قناعت وجدانیه مللده حصوله کلن ترقیاتی کوسترکه کافیدر .

حقوق عمومیه دول نامی آتنده ذکر ایدیلان علم ، قابلیت اجتماعی و مباشرت
فکری پک محدود صورته تضمن ایدر ؛ یعنی دولتری شخصیتلری اعتباریه
و بر حیات خصوصیه ایله حی هویت سیاسیهلرکی نظر دقه آله رق اونلرک
مناسبات متقابله سیله مقیدبولونور . انسانی حرب وصلحهدهکی معاملات ، حدودلرینه
عائد اختلافاتی ، دیپلوماسی نقطهسندن ینلرندهکی روابطی تدقیق ایدر .

حقوق خصوصیه دوله کلنجه - بو ، یالکیز مختلف دولتر تبعهلری
آرسندهکی مناسبات حقوقیهی تعیین و اختلافاتی حل و تسویه ایدر و افرادی
دولترلرک حیاندن تجرید ایدرک آنلرک منسوب اولدقلری مملکت خارجندهکی
حرکتلرینه تعلق ایلر . بو صورته برنجی حالده انسان ، کندینی حیات حقوقیه
دولک عمومی و سیاسی بر تظاهری ، ایکنجی حالده ایسه خصوصی و جزئی
بر تجلیسی قارشیدسند بولور . حقوق اداریه بین الملل بو ایکی عنصری جمع و مزج
ایدر . بر طبیعت خصوصیهی اولمایان حقوق افراددن و هیچ برماهیت سیاسیهی

بولونميان حقوق و منافع جامعه و مشترکدن بحث ايدر. دولت فکری بوضورتله
پک اینی بر شکل آلمش اولور.

اسکی زمان دولترینک یالکزمالی و نیم عسکری وظائفی وار ایدی .
شمديکيلرک برده وظائف اجتماعیهسی وارد. قرون وسطی دولترینک غنائیه
امتزاج ایدهمین حکومت جدیده Collectivité اساسی قبول ایتک اعتباریه یونان
قدیمک (πολις) نه مشابہت عرض ايدر. یونان قدیمک (پولیس) نده افراد .
کلیتک، جمعیتک، قارشیدسنده حکمدن ساقط اولوردی . حکومت جدیدده ایسه
افرادک حمایه قانونیهسنه چالیشان کلیت ، جمعیتدر . دولتک طرز جدید تلقیسی
حقوق دولک ترقیسی اوزرنده تأثیر عظیم اجرا ایتدی . بو سایهده دولتر ،
مربوطیت متقابلله حسی Solidarité ایله یکدیگرینه هرکون بر آزددها زیاده
یاقلاشمهقدده .

دولتر کرک کندی وظائف اجتماعیهلرینک چوغنی بر قاعده تحتله آلمق
ایچون وکرک بعض منافع جامعهی حمایه و افرادک حقوقی مدافعه ایچون چوقدفعه
اتحاد وائتلاف ایتمشلردر. اون طقوزنجی عصرک آشنای جریاننده بویه یکی
افقار آجیلهرق مهم مهم تدبیرلر تقرر ایتمشدر .

بو جملهدن بری وبلکه برنجیسی اسارته قارشى اعلان حرب ایدلمسیدر .
۱۸۱۵ ویاہ قونفرهسی اسارتک آفریقایی خراب و اوروپانک حیثیتی اخلال
ایدن وبتون انسانلغه شین و الم ویرن بر بلیه اولدیغنی اعلان ایدهرک بونک
مردودیت و ممنوعیتی تذکر ایتدی . بعده اسیر اخذ و اعطاسی و آتی ادامه ایدن
تجارت بحریهیی توقیف ایچون بر طاقم مقاوله نامه لر امضا ایدلدی . آفریقانک
اسرای زنجیه تجارتی محو ایتک ایچون انکلترةنک ایلک تشبث آئسندن ۱۸۸۵
برلین قونفرانسنه و اقضای شرقده (Coolies) لرک سعی قونطوراتورلی اوزرینه
ترتیب ایدیلان و بحر محیط کیر جزائرنده (پولینهز) لرک حمایه سنه تعلق ایدن
اک یکی مقاوله لره ، ائتلاف لره ورنجهیه قدر بو افکار انسانیتکارانه نک تأثیری
کورلمش، ترقیات مہادیہ حصوله کلمشدر .

مقابلہ حسنک تفاہرات مختلفہ سنہ مصدر اولمشدر .

بواتحادلردن ہر برنی تشخیص وتمثل استدیرمک ایچون بین الملل دائمی برر
ہیئت اداره، برقم ہیئت تأسیس اولونمشدر . بوہیئتلرک قسم اعظمک مرکزی
اسویجرہ نک مقرر اداره سیدر . بونلر، نوعما، عین قانون اساسی رابطہ سیلہ متحد
برچوق حکومتلرک مجالس اتحادیہ سی Conseil fédéral ی کبی درکہ الکی
مؤسسات حقوقیہ دولدن عد اولونورلر .

بوہیئتلرک لایقیلہ ایفای وظیفہ ایتسی ایچون اتحادہ داخل اولان دولتلرک
الکالری عینیلہ بر دولتلرک مختلف ایالتلری متاہسندہ طوتلمشدر . بو اتحادلرہ
نفوذلرینی توسیع ایدہ ایدہ مناسبات مقابلہ دولی یواش یواش تعدیل وکیت کیدہ
دھا صیق و صمیمی بر حالہ ایصال ایدرک مربوطیت مقابلہ ملل فکرینک قطعاً
حکمفرما اولسنہ سبب اولہ جقلردر . فی الحقیقہ مربوطیت مقابلہ حسنک اون
طقوزنجی عصر مخصوصاتندن اولدینی حقوق دولک اقسام سارہ سندن زیادہ
حقوق اداریہ دولایلہ مؤیددر . بو حس، ایکی سبدن تولد ایتمشدر . برنجیسی -
وسائط اختلاطیلہ نک تماماً تبدیلی سایہ سندنہ اقوامک حیات اقتصادیہ و حیات
فکریہ سی ، عصر اخیرک انسانی گذرانندہ بر شکل ہرجائی، بر منظرہ جہاننورد
آلش اولسیلہ خادئات کتدکجہ دھا بیوک برسرعتلہ طی آفاق ایلدیکندن افکارک
حرکتی ، مسافہ وزمانی کوندن کونہ دھا آز نظر دقتہ آلہرق توسع وانتشار
ایتمش وبو حرکتک در حال وقایع اقتصادیہ اوزرینہ عکس تأثیری کورلمشدر .
حاصلی حیات عالمہ ، دوران دم وفعل منعکس عصی ایلہ حیات آدمہ حاصل
اولان حالاتہ معادل بعض تحولات حصولہ کلشدر .

مربوطیت مقابلہ حسنک ایکنجی سیدیہ حقوق قدیمہ نک اون طقوزنجی
عصرہ نمناز بر تکملہ مظهر اولسی و مقایسہ قوانین فننک عمیق صورتدہ
تدقیق ومطالعہ اولونمشیدر . فی الواقع بو مطالعہ قواعد حقوقیہ واحکام ونظامات
اساسیہ دن قسم اعظمک بر چوق ملتلردہ جدآ بر برینک عینی اولدیغنی و بونلر
آرہ سندنہ کندیلکندن یعنی خارجدن بر تاثیر واستعارہ وقوعبولمادن

عین صورتہ تولد ایتدیکنی کوسترمش وبو وجهله طبع بشردن منبعث قواعد
عمومیہ نك بر اساس کلیسی موجود اولدیغنه قناعت حاصل اولمشدر .

اون سکزنجی عصر فلسفه نك لایتغیر وابدی احکام حق وعدالت اولمق
اوزره نشر ایتدیکی و فلسفه قدیمه نك علم الهینك بر عکس شعله سی کبی تلقی
ایلدیکی اساسلرک برچوغی اون طفوزنجی عصرده یکدیگریله تطبیق و مقایسه
ایدیلن قوانین و تعاملاتک مطالعه سی نتیجه سی اوله رق حقیقت مادیة تاریخیه ایله
تأید ایتمشدر .

احمد صلاح الدین

عثمانی استقراضی [*]

۱۸۵۸ استقراضی . — سیواستوپولک فتحی متعاقب چار ایکنجی
علکساندری تعطیل مخاصمانه اجبار و پارس قواغره سنده پک زیاده حسن تأثیر
حاصل ایدن ۱۸ شباط ۱۸۵۶ خط هایونی اعلان ایدلدی . دولت علیه نك
تمامیت ملکیه و استقلالیت عالیه سی کفالت مشترکه دولیه ایله تصدیق و اوروپا
حقوق عمومی سندن حصه دار و حلقه سیاهی سنه ادخال ایتدیرمک و اصلاحات
ملکیه سنده آخر دولتک مداخله سی قبول ایتمک کبی پک مهم اساسلی احتوا
ایدن پارس معاهده نامه سی امضا اولندی . (۳۰ مارت ۱۸۵۶)

شوراسی ده علاوه ایتهدن کچمیه جکیز که حکومت سنیه کال جدیتله داخل
اولمق ایستدیکی دوره رقی و تکاملده بعض مشکلاته دوچار ایدلمکدن قورنیه مدی
از جمله خدمت عسکریه نك سیاناً تطبیق مثللو بر تکلیف محق قارشوسنده تبعه
غیر مسلمله ؛ و مساوات اساسنک بتون عثمانیلره تشعیلی بالنتیجه امتیازات
مذهبیه بی بحقر الفا و یا هیچ اولمازسه قسماً تعدیل ایده جکندن بو جهتله ده
رؤسای روحانیه نك عدم ممنونیتی و حتی اصلاحات علینده بولملرینی موجب